

Principalmente danki na e resultadonan di inversion mas mihor cu a spera riba e mercadonan internacional, fondo di pensioen APFA a logra un bon resultado financiero. Cu esaki APFA ta continua cu e desaroyo positivo di e prome mitar di e aña. E fondo di pensioen di e empleadonan publico y e institucionnan subsidia door di gobierno di Aruba ta claramente dilanti di e trayecto di recuperacion stipula door di e resultadonan alcansa.

Cifra principal	31 di october 2017	30 di juni 2017	31 di december 2016
Capital di pensioen	Afl. 2.779 miyon	Afl. 2.726 miyon	Afl. 2.699 miyon
Provision obligacion di pensioen	Afl. 2.579 miyon	Afl. 2.566 miyon	Afl. 2.561 miyon
Grado di cobertura bruto	107,8%	106,2%	104,2%
Grado di cobertura netto	98,8%	97,5%	96,1%
Prima di pensioen	16,8%	16,8%	16,6%
Participante	6.825	6.811	6.715
Ex participante	832	795	746
Pensionado	4.037	3.998	4.027

## Posicion financiero mas solido

E posicion financiero di e fondo a sigui mehora danki na e bon resultadonan di inversion den e kwartaal cu a pasa. E capital di pensioen a aumenta den comparacion cu e di dos kwartaal cu 1,9% te Afl. 2.779 miyon na final di october 2017. Esaki ta mas halto cu e aumento di e obligacionnan di pensioen cu a subi cu 0,5% pa Afl. 2.579 miyon. Esaki ta conduci na e desaroyo di e grado di cobertura. E grado di cobertura bruto, e relacion entre e bienes y obligacionnan di APFA, a subi di 106,2% na final di juni 2017 te 107,8% riba 31 di october 2017.

## APFA ta dilanti di e pronosticonan di e plan di recuperacion

E indicador financiero mas importante ta e grado di cobertura netto cu ta tene cuenta cu e capital di reserva rekeri door di Banco Central di Aruba pa absorba fluctuacion financiero den e balor di inversionnan. E capital di reserva aki ta depende di cuanto riesgo un fondo di pensioen ta tuma den su maneho di inversion. E grado di cobertura netto mester ta minimo 100%. Pa motibo cu APFA desde introduccion di e areglo di NPR 2014 ta bou di e nivel aki, tin un plan di recuperacion na vigor. Den esaki e fondo ta indica con e ta pensa di yega na e grado di cobertura netto riba 100% den 15 aña. Esaki lo mester sosode mas tarda na principio di 2029. Cu e desaroyo financiero actual APFA ta dilanti di e pronosticonan di e plan di recuperacion. Segun e datonan ey e grado di cobertura netto lo mester ta awor 96,1%. Cu e nivel di 98,8% APFA ta claramente ariba di esey y ta pues bon riba caminda di recuperacion financiero.

Anteriormente APFA a scohe pa un calculacion mas cauteloso di e interes actuarial cu e ta aplica riba e rendimiento di inversion premira. Alabes APFA a adapta e tabelnan di expectativa di bida pa tene mihor cuenta cu e aumento den e expectativa di bida di e poblacion di Aruba. A base di e cambionan aki APFA a entrega na comienso di october 2017 un version actualisa di e plan di recuperacion na Banco Central di Aruba.

## Bon resultado di inversion

E resultadonan di inversion ta hunga un rol importante den e posicion financiero di e fondo. Esaki ta keda bon den 2017 pero principalmente e portafolio di inversion den exterior a contribui na e bon resultado aki. E capital di inversion total di APFA ta Afl. 2.695 miyon. Di esaki mas cu mitar ta inverti na Aruba y e resto na otro paisnan di mundo. E portafolio local ta bou presion ya cu ta dificil pa APFA haya suficiente posibilidad di inversion atractivo na Aruba cu ta pas den su maneho di inversion. Te cu october 2017 e fondo a logra un rendimiento promedio di 6,4% (mas of menos 7,2% riba base anual). Esaki ta claramente mas halto cu e rendimiento pronostica pa e aña aki.

## Maneho ta pone un base solido pa futuro

Pa loke ta trata gasto APFA tambe a bay bon. E gastonan di maneho tabata na final di e di tres kwartaal Afl. 8,8 miyon. Cu esaki e gastonan ta Afl. 1,2 miyon mas abou cu e presupuesto.

APFA ta hiba un maneho cauteloso cu tin como meta pa salvaguardia e pensioen di e participantenan awor y den futuro lehanu. E combinacion di e maneho aki y un administracion di gasto estricto, un maneho di inversion prudente y alabes haci uso di e oportunidadnan cu ta presenta, APFA tin un base solido pa futuro.



## Adelanto riba diferente tereno

E participantenan di e fondo ta sigui crece. Incluyendo e ex participantenan (tambe yama 'slapers') y e pensionadonan APFA ta zorg pa e pensioen di 11.694 participante. Den e ultimo tempo a traha duro internamente pa actualisa e registro administrativo di e participantenan. Tambe e fondo a mehora y actualisa su seguridad riba IT. E meta di e maneho di seguridad di informacion ta pa segura informacion contra e riesgonan cu ta atacha e integridad y/of continuidad di e fondo.

## Resumen Uniforme di Pensioen

Na juli di e aña aki APFA a manda un resumen uniforme di pensioen pa su participantenan. Si bo ta un participante di APFA y bo no a haya esaki of bo a ripara cu e informacion menciona no ta corecto, nos ta pidi bo pa tuma contacto cu nos departamento di Pensioen.

Pa mas informacion: bishita nos website [www.apfaruba.org](http://www.apfaruba.org)